



*Kementerian Pembangunan Wanita,  
Keluarga dan Masyarakat*

## KENYATAAN MEDIA

YB DATO' SRI ROHANI ABDUL KARIM  
MENTERI PEMBANGUNAN WANITA, KELUARGA DAN MASYARAKAT

### "ISU WARGA EMAS DITAHAN KES GANGGUAN SEKSUAL TERHADAP 11 KANAK-KANAK"

Saya amat terkejut, sedih dan kecewa dengan kejadian yang menimpa 11 orang kanak-kanak ini apabila mereka telah menjadi mangsa gangguan seksual dari seorang dewasa yang ingin memuaskan nafsu serakahnya semata-mata.

Saya terkilau dengan keadaan yang berlaku sekarang ini apabila orang dewasa yang sepatutnya menjadi perlindungan kepada kanak-kanak tidak berbuat demikian malahan menjadi perosak kepada kanak-kanak tersebut.

Oleh yang demikian, keprihatinan dan sikap lebih berwaspada oleh ibu bapa dan keluarga haruslah dititik beratkan dalam menangani hal seperti ini. Saya menyarankan agar ibu bapa, penjaga dan masyarakat supaya lebih memberi keutamaan kepada penjagaan kanak-kanak agar perkara yang tidak diingini dapat dielakkan.

Melalui Jabatan Kebajikan Masyarakat (JKM), Pegawai Pelindung di daerah akan menyediakan perkhidmatan sokongan kepada kanak-kanak tersebut serta ahli keluarga yang lain seperti perkhidmatan kaunseling untuk mengatasi trauma akibat daripada kejadian yang menimpa dan lain-lain perkhidmatan sekiranya bersesuaian.

Disediakan oleh:

Unit Komunikasi Korporat

Kementerian Pembangunan Wanita, Keluarga dan Masyarakat

Aras 35, Persiaran Perdana

PUTRAJAYA

Tel: 03-8323 1087

E-mel: [info@kpwkm.gov.my](mailto:info@kpwkm.gov.my)